

Ustavno povjerenstvo/Ustavna komisija

Уставна комисија

Broj: 01/1-02-2719/23
Sarajevo, 21. 11. 2023. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 21-11-2023			
Org. jed.	Broj	Priloga	Vrijednost

**PREDSTAVNIČKOM DOMU
PARLAMENTA FEDERACIJE BiH**

Ustavna komisija Predstavničkog doma Parlamenta Federacije održala je 21. 11. 2023. godine 5. sjednicu na kojoj je razmatran sljedeći dnevni red:

- 1. Prijedlog Odluke o izmjenama i dopunama Poslovnika Predstavničkog doma Parlamenta Federacije BiH - skraćeni postupak,**
- 2. Tekuća pitanja.**

U skladu sa čl. 44. i 57. Poslovnika Predstavničkog doma Parlamenta Federacije BiH, Ustavna komisija podnosi Domu sljedeći:

IZVJEŠTAJ

Ad 1.

Predsjednik Ustavne komisije je u uvodnim napomenama obrazložio razloge za donošenje izmjena i dopuna Poslovnika Predstavničkog doma. Upoznao je sve prisutne da su predmetnu Odluku 10. 11. 2023. godine, na osnovu Zaključka Predstavničkog doma broj: 01-02-2594/23, zajednički uputili klubovi Socijaldemokratske partije BiH-SDP BiH, Povjerenje! (Narod i pravda-Pomak), Naše stranke-NS; Hrvatske demokratske zajednice-HDZ BiH-HNS-a, zatim Kluba HDZ 1990-HNP-a te Kluba Pokret demokratske akcije-PDA.

Također je upoznao sve članove Ustavne komisije da su jedan od osnovnih razloga za donošenje Odluke o izmjenama i dopunama Poslovnika Predstavničkog doma rješenja u Poslovniku kojima bi se otklonila blokada u radu radnih tijela, kada Komisija za izbor i imenovanje nije u mogućnosti da odlučuje. Ova rješenja su predviđena članom 3. Odluke o izmjenama i dopunama Poslovnika Predstavničkog doma.

Nadalje, Odlukom kojom se donose amandmani na Ustav Federacije Bosne i Hercegovine, koju je 2. oktobra 2022. godine donio visoki predstavnik Christian Schmidt, naloženo je da organi vlasti ostaju u obavezi da usklade zakone, propise i druge akte sa Ustavom Federacije BiH. S tim u vezi je Parlament Federacije, odnosno Predstavnički dom dužan implementirati nametnute amandmane od CX.

do CXXX. u Poslovnik i time uskladiti Poslovnik Predstavničkog doma s Ustavom Federacije BiH.

Nadalje, predmetnom Odlukom predviđena su moguća rješenja kojim bi se ograničila rasprava i brojne replike, za koje predlagači smatraju da se zloupotrebjavaju radi odugovlačenja sjednice Doma, a s ciljem da se poveća efikasnost rada Predstavničkog doma - od člana 7. do člana 19. izmjena i dopuna Poslovnika.

Prijedlog Odluke je predložen u skraćenom postupku, jer ne predstavljaju obimne izmjene (mijenja se 26 članova Poslovnika od postojećih 264 članova, što je manje od jedne trećine propisa).

Članom IV.A.3.11. Ustava Federacije BiH propisano je da će svaki dom većinom glasova usvojiti svoj poslovnik o radu, iz čega nedvojbeno proizlazi da su poslovници domova Parlamenta ustavna kategorija. Ove činjenice je u više navrata potvrdio i Ustavni sud Federacije BiH svojom praksom-sudskim odlukama: U-19/12 i U 20/16, te je Ustavna komisija posvetila posebnu pažnju razmatranju i analiziranju ovog važnog akta.

U raspravi o ovoj tački dnevnog reda, obrazloženja pojedinih rješenja u ime ovlaštenih predlagača dao je gosp. Belmin Zukan, zastupnik SDP-a BiH.

U raspravi o ovoj tački dnevnog reda učestvovali su: Mirza Čelik, Elvir Karajbić, Benjamin Nurkić, Mladen Bošković i Belmin Zukan.

Članovi Ustavne komisije su utvrdili da za ovakve izmjene i dopune Poslovnika postoji ustavni osnov. Utvrđeno je da je prijedlog upućen od ovlaštenih predlagača. Također je odlučeno da se prijedlog odluke može razmatrati po skraćenom postupku.

Članovi Ustavne komisije su sa 6 glasova *za*, 2 protiv i bez suzdržanih usvojili sljedeće:

ZAKLJUČKE

- 1. Ustavna komisija smatra da je Prijedlog Odluke o izmjenama i dopunama Poslovnika Predstavničkog doma u skladu sa Ustavom Federacije BiH te da je u skladu sa ustavnim i poslovničkim procedurama.**
- 2. Ustavna komisija predlaže i upućuje Predstavničkom domu Parlamenta Federacije BiH Prijedlog Odluke o izmjenama i dopunama Poslovnika Predstavničkog doma Parlamenta Federacije BiH, po skraćenom postupku, radi donošenja.**

AD-2.

O ovoj tački dnevnog reda nije obavljena rasprava.

U skladu sa članom 53. Poslovnika, za izvjestioca je određen dr. Mladen Bošković, predsjednik Ustavne komisije.

PREDSJEDNIK KOMISIJE
dr. Mladen Bošković, s.r.